



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 169. Quia nescio hominem istum quem dicitis.

**urn:nbn:de:hbz:466:1-45533**

bilem elegit, & quidem urbem pessimi nominis Nazareth, de qua prae-  
rium erat, dubitantium an ex ea posset aliquid esse boni. Sed Christus qui  
venerat sanare, non intendit honorari, sed potius honorare, & de vili effi-  
cere gloriosum siue eligere infirma, ut confunderet fortia, quod est pro-  
prium Saluatoris. Cum igitur Petrum Apostolum ministri Galilaeum ce-  
perunt vocare, & ille negare, facile videtur, cur cæperit ibi anathematiza-  
re, & iurare, ubi antea ei sufficiebat simpliciter negare.

**D**omine Deus fateor hodieque ita contingere, quod aliquæ Provin-  
ciæ, vel merito suo, vel aliqua persuasione populari sint vel ridiculæ,  
vel magis expositæ sannis & probris aliorum; similiter & una Ciuitas vel  
Pagus in provincia qualibet fere sit obiectum cauillationum, & iocis ac  
farcialmis exposita: ego tamen potius adlaborabo, ut unumquemque ho-  
minem ex tali loco oriundum astimem, non famam huiusmodi libra, sed  
suomet pondere, quia video quod iste aculeus ex patria S. Petro successi-  
uerit negotium, qui illa sentiens se stimulari ad iuramenta & anathemati-  
mos dicendos peruenit. Absit, ut huiusmodi causam alicui prudens sciens  
præbeat.

§. 168. Ille autem capit anathematizare & iurare. v. 71.

Quales fuerint isti anathematismi illaq; iuramenta, tu scis Domine,  
nos ex usu hominum postulamus coniectare, nempe vel se vel obijcientes si-  
bi Galilæum deuouisse, forte & Galilæos ex. gr. per me licet malus ge-  
nius Galilæos asportet & me, si noui hominem quem vos mihi obijcitis.  
Sed & tibi Christe millies dico laudem, quod sicuti non horruisti Virginis  
uterum, sic nec Galilæum, eo tempore satis probrosum, sed cum assu-  
mendo in quantum erat bonus, emendasti in quantum erat malus.

**D**omine labia mea aperies & os meum annuntiabit laudem tuam &  
benedic te in omni tempore, semper & laus tua in ore meo erit non  
mendacium, non turpiloquium, vaniloquium, stultiloquium, non iurgium  
non iuramentum, nec anathematismos nisi peccatis.

§. 169. Quia nescio hominem istum quem dicitis.

Quid loqueris Petre? delirasne? vel praesens tibi es? ubi conscientia?  
ubi intellectus tuus? ubi veritatis testimonium quod de homine hoc pro-  
nuntiasti ipso te interrogante: Quem dicunt homines esse filium hominis, et  
omnium nomine Apostolorum, uti Caput Ecclesiæ futurus respondisti &  
declarasti eum eundem hominem, non esse Ioannem Baptistam. Non E-  
liam, non Ieremiam, aut ynum ex Prophetis, sed esse Christum filium Dei vii,

Quo

Quomodo ergo modo eum ignoras? cur non talem declaras, amplius, sed è contrario negaseum nosse, quem modo adhuc sequeris, cuius defendens gratia paulo ante in horto extendisti gladium, & servum Pontificis vulnerasti, cænam & Pascha præparasti, cum eo in mensa comedisti? Quis ante institutionem venerabilis Sacramenti lauit tibi pedes eosque exosculatus est, nonne hic homo? Quis tibi porrexit sub specie panis, & vini corpus & sanguinem eius? nonne hic ipse homo? Quis tibi dixit & prædixit; Petre, oraui pro te, ut non deficiat fides tua, & tu aliquando conuersus confirmas fratres tuos? Et, antequam Gallus cantet ter me es negaturus hac nocte? nonne hic homo! quomodo ergo dicis? Quia nescio hunc hominem. O Petre si non est hoc mentiri nescio quid est mentiri. Nam falli te, siue putare quod non noueris illum, dicere non audeo.

Ecce, Medici, ait August. completa est prædictio, ægroti conuicta præsumptio: non enim factum est, quod æger prædixerat: *animam meam ponam pro te, sed factum est, quod ille prædixerat: ter me negabis.* Euangelistæ concorditer negationem Petri scripterunt dicit S. Chrysost. non discipulum accusantes, sed nos erudire volentes, quantum malum sit, non totum Deo concedere, sed in semetipso confidere illa etiam de causa minutissima hæc esse conscripta, ut legentes intelligent quales ante Christi resurrectionem & aduentum Spiritus Sancti Apostoli fuerunt, & quales postea quam virtutem ex alto acceperunt, effecti sint. Inuictos enim animo, vere diuinis homines illos fuisse constat, antea vero, quam imperium mortis à Salvatore destructum esset, terribilis erat illis moriendi formido, nam cum spiritum adhuc non haberent, nec superna gratia erant roborati, humana pusillanimitate detenti, metu patiendi ut homines frangebantur. Et quemadmodum ferrum, quamuis per se durum sit, lapidibus tamen facile retunditur, nisi liquore quodam firmetur, sic animus hominis, etiamsi virtutis amore cuncta pericula spreturum se iactet, asperitate tamen certaminum vincitur, nisi sancti spiritus gratia sit roboratus. Imbecilliores igitur antea, ut homines, Apostoli fuerant; sed spiritus gratia infirmitatem postea humanam superatunt, ad inuictum animum robore spiritus confirmati. Infirmitas ergo discipulorum ad gloriam Dei conscripta est, qui paruitatem nostræ naturæ ad inexpugnabile turris erexit robur. Erit autem, quod unius sanctorum accidit, maxime nobis consolationi. Hinc enim discimus nulla nos desperatione affici debere, fragilitatem humanam considerantes; sed confidere potius debemus, credentes robur ab illo nos habituros, qui diligenteribus le neuos ad virtutem & vires largitur.

**O** Bone Iesu quanto cum dolore vidisti illam electi discipuli tui fragilitatem & malitiam, qua sicut homines tibi nisi mendacia mendacij cumulabat, exigua hominum indignationem, plus quam te Deum, timens, quae eo maior erat & detestanda magis quo maiora dona hactenus a te percepserat: merebatur ergo ut in punto ad infernum deturbaretur, sed tua misericordia est seruatus. At quid de alio iudico? de me ipso iudicabo, qui post tot & tanta, atque accepta, dona, post tot instructiones, & postquam omnia illa, quae Petro & alijs sanctis acciderunt legi & cognitui! tam facile te mentiendo adhuc subinde nego, si non verbo saltem opereret. Et quidem Petrus timore mortis, & ego timore exiguae forte hominum offendit, vel complacentiae, aut intuitu leuis alicuius commodi aut delectationis. Mirarer quod tam subito Petrus post tot dona & promissate negasset, nisi Euangelium testaretur, sed & nisi experientia iudicis nos conuinceret (pro dolor) aegre de nobis tantum fragilitatem crederemus.

§. 170. Et statim gallus iterum cantauit. v. 72.

Ita ut Petrus eum cantum iam audiret bene, & perciperet animo, redareturq; Christi verboru, quae ei incredulo praedixerat priusquam gallus cante re me es negaturus, inde moueretur ad contritionem, pœnitentiam ageret, & reconciliaret se iterum Deo, aulam & malam societatem fugiendo, addit autem Euangeliista, & statim gallus cantauit, insidiando ut primum iurando abnegasset Christum, statim & sine mora gallum cantasse quo canum ueretur ad amplius non peccandum, sed recantandum verba negationis nec persistendum in peccato suo sed fugiendum, dolendum, pœnitentiam agendum, agnoscet et que veritatem doctrinæ Magistri sui, bonitatem, & clementiam, nolentis eum perdere, ut in ijs peccatis moreretur, sed ad omnium peccatorum consolationem & exemplum pœnitentiam ageret, & saluaretur.

§. 171. Et recordatus est Petrus verbi quod dixerat ei Iesus. v. 72.

Quæsi solet, cur Christus permisit Petrum sic turpiter cadere, quia tuor inuenio causas, primo quidem ad nostram instructionem, ut scilicet nullus amodo presumat, de propria iustitia & virtute, quantacunque virtute aut sanctitate polleat, praesertim cum viderit tales ac tantum virum sic cecidisse. 2. ut nullus quantumcunque malus aut peccator existat, desperet de venia, animaduertens quod Petrus post tantum flagitium suis Christo factus Ianitor & clauicalarius regni caelestis, atque caput ac Princeps fratrum suorum. 3. autem ut sciret postquam esset alijs Praelatus compati cæteris peccantibus: unde S. Greg. Considerandum inquit, nobis est, in Christo